

# Илмий кенгаш



Институт Илмий кенгашининг котиби:

Юлчиев Давронбек Гуламович

+998971-237-19-36

## ТОШКЕНТ ИРРИГАЦИЯ ВА ҚИШЛОҚ ХЎЖАЛИГИНИ МЕХАНИЗАТСИЯЛАШ МУҲАНДИСЛАРИ ИНСТИТУТИ

### ИЛМИЙ КЕНГАШИ

#### Умумий қоидалар

1. Тошкент ирригатсия ва қишлоқ хўжалигини механизатсиялаш муҳандислари институти (бундан буён матнда институт деб юритилади) фаолиятининг асосий масалаларини кўриб чиқиш учун ректор раислигида Илмий кенгаш ташкил этилади ва унинг йиғилишларини олиб боради.

2. Илмий кенгаш ўз фаолиятини институт Илмий кенгаси тўғрисидаги Низом» асосида, қонунийлик, бошқарув ва коллегиалликни марказлаштириш тамойиллари асосида амалга оширади. Илмий кенгашининг асосий вазифалари

3. Илмий кенгашининг асосий вазифаси - институт жамоаси саъй-харакатларини қуидаги масалаларни бажаришга қаратилган фаолиятини бирлаштириш ҳисобланади:

- кадрлар тайёрлаш Миллий дастурини амалга ошириш, замонавий педагогик технология ва компьютерлаштириш асосида юқори сифатли бакалавр ва магистрлар тайёрлашни таъминлаш ;
- Олий таълимнинг давлат таълим стандарти талаблари даражасида мукаммал билим, малака, кўнимкамларга эга бўлган профессионал мутахассислар тайёрлашга йўналтиришдан иборат.

4. Институт Илмий кенгаси:

- кадрлар тайёрлаш миллий дастурига мувофиқ давлат таълим стандартлари, ўқув режалар ва дастурларнинг қатъий бажарилишини кўриб чиқади хамда устивор масалалар бўйича тавсия ва топшириқларни белгилайди ;

- факултетларнинг ўқув, илмий-тадқиқот ва маънавий-маърифий ишлар тўғрисидаги, академик лицейлар, қабул комиссиясининг қабул натижалари тўғрисидаги, институт қошидаги илмий лабораторияларнинг фаолияти тўғрисидаги ҳисоботлар, шунингдек, маркетинг хизматининг халқ хўжалигига битирувчи мутахассисларга бўлган эҳтиёж, буюртмачи ташкилотлар билан хамкорлик алоқалари тўғрисидаги ҳисоботни эшитади хамда тегишли қарор қабул қиласди;

-илмий тадқиқот, маънавий-маърифий ишларнинг режалари ижроси, профессор-ўқитувчилар таркибининг малака ошириш ва қайта тайёрлаш масалаларини муҳокама қиласди хамда тегишли

қарор қиласи;

-институт ривожланишининг йиллик ва истиқболли режаларини тасдиқлади, моддий техник таъминот ва молиявий-хўжалик фаолияти натижаларини муҳокама қиласи ҳамда тегишли қарор қабул қиласи.

- факултет ва кафедраларни очиш, тугатиш, ўзгартириш шунингдек, маркетинг хизматлари таклифларини ҳисобга олган холда янги бакалавриат ва магистратура мутахассисликлари бўйича кадрлар тайёрлашни йўлга қўйиш ёки тўхтатиш билан боғлиқ масалалар бўйича қарор қабул қиласи;

- “Олий таълим муассасаларига педагог ходимларини танлов асосида ишга қабул қилиш тартиби тўғрисида”ги Низомга мувофиқ профессор-ўқитувчилар лавозимларини эгаллаш учун танловлар ўтказади;

- профессор, доцент илмий унвонини олишга интилаётган изланувчиларнинг хужжатларини кўриб чиқади ва белгиланган тартибда илмий унвонга Ўзбекистон Республикаси Олий Аттестация Комисиясига тақдим этади;

- институт талабалари ҳамда профессор-ўқитувчиларнинг инглиз тилини билишини таъминлаш ва компьютер технологиялари, интернетдан фойдалана олишлари бўйича таянч кўнималарни шакллантириш масалаларини муҳокама қиласи ва чора-тадбирлар белгилайди;

- таълим жараёнининг ўкув адабиётлари билан таъминланганлигини, янги авлод дарслик ва ўкув қўлланмалари, шунингдек инновацион таълим технологияларини қўллашга асосланган ўкув-услубий мажмуаларни тайёрлаш ва нашр этиш масалаларини муҳокама қиласи;

- стажёр-тадқиқотчи-изланувчи, таянч докторантурда ва докторантураларга номзодларни тавсия этади, уларнинг шахсий режалари ва диссертациялари мавзуларини тасдиқлади;

- иқтидорли талабалар сафидан ва профессор-ўқитувчилар таркибидан номзодларни “Истеъдод” жамғармаси орқали хорижий олий таълим муассасаларида стажировкага тавсия этади;

- институт иқтидорли талабалари ва стажёр-тадқиқотчи-изланувчилари сафидан Ўзбекистон Республикаси Президенти Давлат стипендиясига ва номли давлат стипендиялар танловида иштирок этадиган номзодларни тавсия этади;

- “Соғлом авлод учун” жамғармаси билан ҳамкорликда талабаларнинг жисмоний тарбияси ва уларнинг соғликларини янада яхшилаш бўйича тадбирлар ишлаб чиқади;

- асосий буюртмачи ташкилот, корхона ва муассасалар билан корпоратив ҳамкорликни ривожлантириш, моддий техник базани мустаҳкамлаш ҳамда талабаларнинг малакавий амалиёти самарадорлигини ошириш масалаларини муҳокама қиласи ва уларни яхшилаш бўйича тавсиялар ишлаб чиқади;

- институт талабалари ва ходимларининг техника хавфсизлиги ва меҳнат муҳофазасини такомиллаштириш бўйича тадбирларни белгилайди.

5. Илмий кенгаш институт ваколатига кирадиган ва коллегиал муҳокама этишни талаб қиласиган ҳар қандай масалани кўриб чиқиш ҳукуқига эга.

#### Илмий кенгаш таркиби

6. Илмий кенгаш таркибига институт ректори (раис), проректорлар, бўлим ва марказ бошлиқлари, ўқув-методика бошқармаси бошлиғи, институт қошидаги илмий-тадқиқот институтлари директорлари, институт бош ҳисобчиси, хотин-қизлар қўмитаси раиси, юрист-маслаҳатчи, ҳарбий кафедра бошлиғи, факултет деканлари, мутахассис чиқарувчи кафедра мудирлари, касаба уюшмаси

қўмитаси раиси, «Ёшлар иттифоқи» бошланғич ташкилот етакчиси, институт қошидаги академик лицей ва касб-ҳунар коллежлари директорлари киради. Илмий кенгаш таркибига Олий таълим муассасининг муайян йўналиш муаммолари бўйича ишловчи йирик олим ва мутахассислар ҳам киритилиши мумкин. Ваколат муддати -5 йил.

7. Илмий кенгаш таркиби институт ректорининг буйруги билан тасдиқланади. Хар ўкув йилининг бошида турли сабабларга кўра Илмий кенгаш таркибидан чиқканлар ўрнига, янги аъзолар сайланади ёки тегишли тартибда таркибга қўшилади.

Манбаа: Институт Илмий кенгашининг 2017 йил 28- декабрдаги 5-сонли мажлисида тасдиқланган “Институт Илмий кенгаси тўғрисида”ги Низоми.